

Nadal a la Capèla del Dòl,

Una sirventa de bòria s'èra daissada embelinar per un gojatàs del país que, après aver fautat, l'abandonèt.

Qualques temps après e d'oras e d'oras de pessament, se deguèt far a& l'idèia de devenir mamà.

Nadal se sarrava e la paura dròlla, regretosa, aviá pregada de longa la Maire de Dieu. A la parròquia d'Estanh, èra vengut presicar un prèire capuchin. La nòstra dròlla l'èra venguda escotar amb tota sa pietat.

Per la messa de mièjanuèch, plena de fervor, aviá pregat de tota son anma.

Après l'ofici, s'en tornèt a l'ostal, a Carmarans, guidada pel clar de la luna.

Mas, arenduda, perduda, desvariada, crentava d'arribar pas al sieu ostal.

Las dolors la prenguèron, son enfant anava arribar. Se pausèt, al ras del camin, tot prèp de la capèla quilhada sul ròc, resconduda entre los bisses e los grifols.

La pòrta entredubèrta, dintrèt e, esclarats per la luna, vejèt una fedà e son anhel jaguts al pè de l'autar.

S'ajassèt contra eles e subte, son enfantonèl nasquèt al ras de l'anhèl... Malhorèt son nene amb la napa de l'autar e lo pausèt dins un brèç aprestat amb son davantal.

Aluquèt una candèla qu'enlusuquèt a pro pena son recapte.

L'anhèl, desrevelhat, se metèt a folatrejar. Se trapèt lo cordilh de la campana, lo peltirèt e la campana tintèt....

Lo jovent se trapèt a passar. D'ausir una campana e de veire una claror al fenèstron de la capèla dintrèt...

Se trachèt qu'un enfanton, novèl nascut, se dormissiá dins son brèçot.

Una femna, d'esquinet, velhava lo nenet.

La fedà romiava siaudament....

- Seria pas la fedà que manca a son tropèl?

- E, aquesta nuèch de Nadal seria pas... e reconeguèt la qu'aviá abandonada.

Suspres, tafurat, ara reconeis sa falta...

Se sarra...

Lo drollet dubris sos uelhons e l'agacha...

Son còr se dubriguèt e...

*Adaptacion e revirada a l'occitan d'un conte de Josèp Vaylet tirat del reculh "7 contes de Noël", edicions Subervie Rodés ( 1969) : Eliana Moisset e Gérard Ferrand*

*Associacion " Les Amis de Joseph Vaylet- Occitans en Roergue-Naut"*